

石屏縣志卷三十五

藝文附錄十六 詩一

明

蕭伯章 知州
龍泉人

乾陽山

金削芙蓉插九霄
煙霞深處路迢迢
紫旻有道通蟾窟
銀漢無聲駕鵲橋
仙子踏雲時振響
道人坐月夜吹簫
琪花瑤草連溪茂
始信蓬萊景色饒

楊明哲 河泊所官
清江人

善覺寺

青山總屬梵王家
小徑躋攀日未斜
清磬疎簾翻貝葉
平池秋水共蓮花
清幽丈室連喬木
縹渺飛樓入斷霞
一二老僧趺坐穩
不知巢燕浣袈裟

乾陽集句

瀑布岩前景致佳生香不斷樹交花幾重石洞仙何在
萬轉雲山路更賒爛漫天桃沾雨露寂寥深木閉煙霞
舊遊似夢徒能說獻賦歸來日未斜

海潮寺集句

海中仙島又重遊前值東風後值秋旭日晴波同弱水
奇花異草卽瀛洲綺霞散亂天光好圖畫橫開山色幽
何必別尋勾漏境人間亦自有丹邱

夏尚忠

知縣
邑人

龍馬古跡

力戰爭勞汗血軀山中風雨老藤蕪巉岩此日留踪在
奇骨當年待價沽雲路不辭千里遠霜蹄肯受一鞭驅
房星落地無今古疑是周王八駿圖

張 繹

龍馬蹄石

神駿何年到此州行蹤故向此中留曉寒豈避秋霜滑
風暖宜憐春草柔千里才名人易去九臯眼孔世難求
圖經不載誰應識辜負空羣志未酬

謹案此詩與夏尚忠龍馬古跡均見李元陽通志雖未詳何時人要在嘉靖之前故列於此

何

俊

僉事
彬州人

過石屏

遠泛仙槎到石屏天風不動海波平人家三五成村住
客路高低傍水行囹圄經年無訟事閭閻徹夜有書聲
滿園桃李知多少喜被春風漸發榮

歐陽旦

僉事
安福人

石屏道中

地瘴天愈熱風開日乍晴青山迎去馬綠竹引行旌
畝苗初長陂塘水欲平花因成子落鳥爲戀雛鳴
遠近田家舍參差野戍營牧童偷李實山女賣松棚
載米人趨市傳餐婦餉耕土民頻問種野草亦詢名
紫石函端硯香茶勝雪坑偶然得心趣石隙一泉清

楊

宗

學正
貴州人

砌硯石

怪石三驅得地靈曾聞戍獵此中經韓盧疾疾飛沙草
麋鹿呦呦食野苹蒼莽埋雲千古秀莓苔着雨四時青
發蹤指示人何在一枕眠蕉夢不醒

謹案職官中弘治間有學正楊琮貴州人
此詩見李元陽通志琮作宗疑卽一人

余秉清

知州
奉新人

碧山鵲硯

南山美產勝端溪磨琢功成世所稀曾說昔年廉介士
行裝未肯一持歸

砌碌神踪

層巒疊疊界邊疆一鹿逐隨有二狼化石到今千萬載
幾番曾說是荒唐

龍馬古蹟

神駒從此騁馳驅印出分明掣電蹄一勒嘶風雲外去
淡煙芳草落花溪

唐

昇知州
宜賓人

乾陽山

瑞雲開國九龍仙洞口黃羊久不鞭丹竈藥爐灰已冷
交梨花棗樹猶鮮葛洪去後空留井華表歸來失記年
此去桃源疑咫尺瓊花瑤草故依然

曾

倬

孝廉
建水人

遊九天觀

東君攜我九天來湖水連天一鑑開
露滴曇花風入座
煙消古柏月沉杯
寒梅噴玉香生閣
嫩竹搖雲綠滿苔
冷冷仙關清入骨
更於何處覓蓬萊

碧蓮臺

山靈與我久相期
責我來遲竟咄辭
撫掌吟風猿嘯嶺
舉頭玩月雀喧枝
喜翻內典開新匣
笑吸天漿煮玉芝
一點塵埃無着處
雲封門外水流池

曹

達

兵備道
太倉人

湖中三島

煙海茫茫水接天
小舟飛渡夕陽前
雲間列嶂看山遠
風入孤帆引浪偏
沙鳥不驚成獨睡
岸花相覲競芳年

來遊不盡江湖興再向溪橋上酒船

何文俸

知州
閩縣人

九天觀草湖

尋春直上九天遊碧水青山一葉舟
梵宇塵清依佛地海門風起泛沙鷗
雲間詩酒神仙集寺外煙波天地浮
共倒清尊成一醉不知何處是瀛洲

楊廷相

參議
邑人

善覺寺

千年雄刹占名峯花草芳菲物色濃
遊客有詩題古壁老僧無事倚長筇
黃鸝啼處金藏柳白鶴來時雪點松
風景無邊堪入畫夕陽一片數聲鐘

許子言

同知
邑人

海潮寺

凌風鼓棹趁春遊直上蓬萊第一洲山色翠交湖外樹
波光涼浸日邊樓晨鐘雨過聲猶濕畫棟雲飛勢若浮
登眺頓忘歸思晚漁歌韻落海天秋

九天觀

漱灩浮光一鏡湖數聲漁笛傍蒲蘆扁舟一葉忘歸道
夜半秋深尚煮鱸

李明通

知府
邑人

乾陽山

拄杖隨雲步攤簑倚樹眠山靈應啓我洞闢本由天丹
灶憑誰煮歌樵有路還桃花開又謝點點落衣前

許國良

通判
邑人

鏡湖洞

天開一綫路靈氣入荒陬洞古風塵遠門虛日月留五

丁無鑿空一竅自通幽奧徐徐進光明漸漸投窟深
無野怪地僻隱山儔湖影窺鸞鏡雲光結蜃樓暑忘白
羽扇寒免木綿裘布履終隨足綸巾不上頭煙中晴帶
雨林杪夏成秋更覺塵心浣應知世界浮講筵方白鹿
丈室卽丹邱不數循良吏山癯敢自由

許

鎡

御史
邑人

乾陽山

羊腸一路入雲間古洞乾陽別有天石壁千尋青接漢
龍湖萬頃碧當筵山川勝概應稱最樓閣奇觀此獨仙
惆悵仙人踪跡杳桃花流水草芊芊

李元中

貢生
邑人

碧蓮臺

乘興探春塵外遊東風搖柳吐絲柔幾盤山路雲遮寺

一帶煙村水映樓舊局尋仙梅下着新詩遲我壁間留
興來暫借青筇竹直上雲岑看十洲

廖楚良

諸生
邑人

開化寺桃花

空門著色費安排水自流時花自開多是兒孫曾面壁
嵩山絳雪又飛來

層層錦浪是誰排綺樹新妝媚日開人在維摩獅子座
晴霄天女散花來

桐柏靈墟面面排春風著意豔陽開寄言洞口人休笑
前度山翁採藥來

雲龍山準提閣

脫略紅塵坐翠微山桃爛漫趁春肥江頭棹月客來訪
鹿苑雲封僧未歸藉草靜忘溪聒耳入花晴亦雨沾衣

采真遲我十年約丹竈詩瓢願不違

許

鉦

諸生
邑人

美女篇

蓬門有令姿獨居心待時容顏薄脂粉金石想操持春
風感芳晨對月理機絲豈無逢時技含情不願爲悠悠
彼蒼意妾心誰復知

秋日過普淨寺

試向高臺上風光入望深夕陽明古殿落葉瘦秋林澹
定寒潭影悠然遠俗心知音寧易得何用理瑤琴

雨後登普陀巖

好雨怡情極幽巖隨意攀波心浮翠巘雲背出青山野
鶴眠花靜馴麋坐石閒撫絃仍待月何事不開顏

活水園早起

地僻雲霞亂樓高水氣寒野禽啼黝壁鼯鼠上朱欄古
戍晴如沐流泉細作湍居常先鳥起爲愛曉煙巒

蕭廷對

知州
秦和人

乾陽山

屏列乾山峙海潯煙霞景逼闔風岑丹梯百折疑天近
紫氣千年接地深龍擁白雲歸洞口鶴乘明月度波心
空留仙跡巉巉石誰記去來已復今

白浪漁歌

淺水蘆花日扣舷數聲欸乃鷗鴟天清商繚繞浮雲外
短笛從容落照邊得意似賡黃鳥轉忘機竟狎白鷗眠
幾迴湖上風波險拍手滄浪坐釣船

李長倩

學道
興化人

題張美材五世同時詩冊

彩雲曇曇五色翔南分井野麗於張石屏千年玉髓香
素廚觴客丸爲糧至人道遙旭扶桑琴心疊舞胎先藏
花瓊韓韓鄂樹芳式奏律呂和鳳凰相期皓首適所將
不信人間有鎖韁裏杼裁雲製繡囊畀君弈葉衍縹緗
鐵鏐銀鏤貢上方宜春花暖勝洛陽鐸振驪山霹靂光
龍孫干霄震竹蒼天府書名美玕琅吾聞張宿主明堂
耀則王者禮法章念茲秩宗帝曰良幸同祈禳迓天祥
聃勉惟望敵愾揚爲歌熾昌祝壽臧漢家萬石聲琅琅
方哉之 副憲

海潮寺

岿嶢古閣擁洪濤極目丹霞壯六鰲返照紅銷煙樹暝
亂峯青出海門高花飛野寺沾經席棹擊清波引節旄
千嶺今年烽燧靖樽開暫得解征袍

吳思溫

知江州夏人

海潮寺

天涯無意復登高山海鍾奇興若豪白雁不傳雲外信
黃花應笑鬢邊毛田家歲稔浮新釀漁艇風輕泛遠濤
談劇共思江漢勝何年吹帽俯平臯

江

壩

知長樂州人

海潮寺

露洗楓林入素秋相攜斗酒海潮遊千山霞冷煙光淨
萬壑雲深爽氣浮梵剎凌空清罄度漁舸唱晚釣綸收
滄洲退隱知何日差對沙頭傍水鷗

九日泛舟水月寺

水月禪林結勝遊石屏風景覺全收蒼山環抱開僧舍
白浪周迴起佛樓蓬漏座中鎔俗慮菊花杯裏釀鄉愁

浮生半日閒過却喜有清風送我舟

林

憲

昆明人

遊廣應寺

蘭若蕭蕭寄客蹤山深寺隱倩雲封
晴空白露飛如雪古樹蒼鱗偃似龍
日暮寒烟吹牧笛月明貝闕響僧鐘
人家隔浦紅塵遠耐冷秋花倚夕春

許瑞麟

知縣
邑人

沸珠泉

屏陽風氣開洪武三百年來稱沃土
科名人物埒中原遺俗流風遵孔魯
居然水聚與山環卓爾雲屯如風舞
秀毓西來地一區氣完噴出泉千乳
浪傳玉豆水中生疑是明珠池內煑
石眼何曾一日乾浮漚萬點渾難數
野鷗思浴驚且飛錦鱗游泳吞復吐
柳絮風狂滾不休

荷盤滴露從何取時引遊人玩賞頻炊金饌玉陳樽俎
阮劉浮白酒情高陶謝臨流詩思古狐疑偶語詫因緣
主人底事學爲圃菜畦竹逕遠塵囂石橋花謝良工苦
偷閒半日有餘歡尊前幸勿嗤鮑五

張廷璧

邑人

孝感泉

泉在石屏城西志稱明庠生許邦相事親極
孝親歿廬墓三年墓下忽湧清泉學使范題

曰孝
感泉

屹屹卽思親况乃隔死生所以至性人存歿同一情誰
爲丙舍側風木聲相驚吁嗟志之壹能忘虎豹爭泉石
亦獲動聲沸根於誠備聞君本末純孝通神明世皆稱
奇事公視實庸行移此事君上詎曰匪艱貞再拜書簡
冊人倫著紀經

海山亭